

La Cësa de Paussa à n verzon nuef

L ie unì inaugurà l verzon dai mile culëures, ulache l ie nce da udëi tofles de mauta che reprejenta la vedla tradizions de Gherdëina



Jënt de tēmp tla Cësa de Paussa.

Cësa de Paussa - Do che i lëures per njenië ite l verzon tla Cësa de Paussa fova finei, iel unì metù a jì na pitla festa de inaugurazion n sada ai 9 de agost. L ie unit adalerch truepa jënt a festejé chësta naugurazion y a s' la dé bona. L verzon ie unì batejà "Verzon dai mile culëures". Chësc verzon ie pensà dantaldut per persones amaledes de demënza che possa tlo se muever da sëules y passé mpue' de aurela curta tla

natura.

Ulon nce auzé ora la bela cunlaurazion che ie unida a s' l dé cun l Lizeum d'Ert Cademia. Cun l aiut y na gran pazienza di sculeies à n valgun de nosc ghesc realisà tofles de mauta che reprejenta la vedla tradizions de Gherdëina. La tofles ie pona unides depëntes y brujedes. Sën ieles metudes su te nosc bel verzon.

Rita Dorigo



Ntan la festa de inaugurazion dl verzon dai mile culëures.